

**II RADNA SJEDNICA UPRAVNOG ODBORA**  
**Javne ustanove Bosansko narodno pozorište Zenica**

**Z A P I S N I K**

**MJESTO:** Trg Bosne i Hercegovine broj 3, Zenica, zgrada Javne ustanove Bosansko narodno pozorište Zenica, II sprat, Kancelarija broj 45  
**DATUM:** petak, 23. 09. 2022. godine  
**VRIJEME:** 16.00 h

**Sjednici prisustvuju:**

1. dipl. pravnik **Una Selimović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

**ZAPISNIČARKA:**

4. **Selma Tabaković-Jašar**, voditelj Pravne službe JU BNP Zenica.  
Sjednici, po službenoj dužnosti, prisustvuje i direktor BNP Zenica, **Miroljub Mijatović**.

**Dnevni red:**

1. Usvajanje Zapisnika sa 1. radne sjednice;
2. Informacija o zahtjevu tehničkog rukovodioca (broj: 783/22 od 29.08.2022.) o potrebi sanacije elektro-mašinskog postrojenja sufita I, a radi dobivanja saglasnosti Upravnog odbora JU BNP Zenica – *izvjestilac*: tehnički rukovodilac i direktor JU BNP Zenica;
3. Uvid i razmatranje finalnog prijedloga Pravila JU BNP Zenica usvojenog u prethodnom mandatu Upravnog odbora JU BNP Zenica – *izvjestilac*: direktor JU BNP Zenica;
4. Utvrđivanje uslova i sadržaja javnog oglasa za zakup poslovnog prostora u JU BNP Zenica – *Kabare klub*;
5. Informacija o dostavljenom Odgovoru resorne službe Grada Zenica (broj: 713/22) i mogućoj sanaciji ravnog krova, shodno upućenoj molbi direktora i Upravnog odbora JU BNP Zenica – *izvjestilac*: direktor JU BNP Zenica;
6. Informacija o dostavi molbe za saglasnost nadležnim ministarstvima ZDK, radi popunjavanja dva upražnjena radna mjesta – *scenografi i rekviziter* – *izvjestilac*: direktor JU BNP Zenica;
7. Prijedlog za donošenje Pravilnika o prijemu u radni odnos;
8. Razno.

---

**1. Usvajanje Zapisnika sa 1. radne sjednice;**

**ZAKLJUČAK:** Upravni odbor JU BNP Zenica jednoglasno usvaja Zapisnik sa prve radne sjednice, koji je prethodno dostavljen elektronskim putem.

**2. Informacija o zahtjevu tehničkog rukovodioca (broj: 783/22 od 29.08.2022.) o potrebi sanacije elektro-mašinskog postrojenja sufita I, a radi dobivanja saglasnosti Upravnog odbora JU BNP Zenica – *izvjestilac*:** tehnički rukovodilac i direktor JU BNP Zenica

**Napomena:** S obzirom da tačke 2., 3. i 4. zahtjevaju dužu diskusiju i razmatranje, tačka 5. pomjera se na mjesto tačke broj 2., te se na radnu sjednicu poziva izvjestilac, tehnički rukovodilac JU BNP Zenica.

**ZAKLJUČAK:** Nakon informacije izvjestioca o potrebi popravke metalnih vodilica neophodnih za pravilan rad elektromašinskog postrojenja sufita na kojima se nalaze rasvjetna tijela, što bi zahtjevalo angažman stručnog lica – varilac ili bravar, koje bi osiguralo pristup cugu, Upravni odbor JU BNP

Zenica daje **jednoglasno saglasnost** na upućeni zahtjev broj gornji, a uzimajući u obzir raspoloživa finansijska sredstva.

Prema istraživanju tržišta, tehnički rukovodilac obavještava da bi okvirna cijena predmetne sanacije bila ≈2.000,00 KM, te ista nakon detaljne procjene stručnog lica može biti i manja. Direktor JU BNP Zenica obavještava Upravni odbor da bi isto trebalo biti realizirano tokom tekuće pozorišne sezone.

Naredna faza jeste pregled elektroinstalacija, a posebno i njihovo redovno održavanje (kako navodi i član Upravnog odbora, Adis. M.).

Tehnički rukovodilac JU BNP Zenica ističe da su u posljednjim godinama zapostavljena određena radna mjesta koja u opisu iz akta unutrašnje organizacije rada i sistematizacije radnih mjesta imaju poslove održavanja u zgradi koji su obimni, s obzirom na površinu i specifičnost prostora, a angažman vanjskih saradnika u ovom slučaju je neisplativ, te bi u narednom periodu trebalo nastojati da se ova radna mjesta i popune.

#### **-TEHNIČKA SANACIJA I ULAGANJA-**

Tokom prethodnog perioda, prema informaciji direktora JU BNP Zenica, u svrhu tehničke sanacije i nabavku opreme uloženo je ≈50.000,00 KM, dijelom iz namjenskih sredstava osnivača-Grad Zenica, kako i vlastitih sredstava. U toku je i reparacija 15 zvučnika, od kojih je jedna trećina i završena. Ukupno ulaganje za ovu popravku iznosi ≈2.000,00 KM. Trenutno se vlastitim sredstvima i naporima nastoji djelimično ili u cjelosti izvršiti sanacija toaleta na Donjem foajeu, prema finansijskim mogućnostima.

Članica Aldina A. predlaže najam tehničke opreme za potrebe drugih programskih aktivnosti.

#### **-SANACIJA RAVNOG KROVA-**

U narednom periodu, prioritet u infrastrukturnom ulaganju jeste sanacija i rekonstrukciji ravnog krova, što je i dugogodišnji problem.

Član UO JU BNP Zenica Adis M. predlaže ostvarivanje kontakata sa međunarodnim organizacijama/institucijama koje bi bile spremne izdvojiti potrebna sredstva u svrhu sanacije ravnog krova, te će nastojati organizirati održavanje sastanka sa predstavnicom Ambasade Francuske koja je temeljem ličnog kontakta iskazala spremnost na saradnju.

Direktor JU BNP Zenica upoznaje Upravni odbor da se kontinuirano pripremaju i šalju aplikacije na različite izvore finansiranja i sufinansiranja projekata, kako po pitanju programske djelatnosti kako infrastrukturnih, tako i drugih tehničkih ulaganja.

### **3. Uvid i razmatranje finalnog prijedloga Pravila JU BNP Zenica usvojenog u prethodnom mandatu Upravnog odbora JU BNP Zenica – izvjestilac: direktor JU BNP Zenica;**

**ZAKLJUČAK:** Upravni odbor odbor temeljem dostavljenog materijala utvrđuje da je sadržaj prijedloga Pravila, usvojen u prethodnom sazivu Upravnog odbora JU BNP Zenica, dijelom preopširan, s obzirom da je dio materije regulisan posebnim aktima/pravilnicim, te će biti sačinjen novi akt. Isti će biti predmet razmatranja na narednim radnim sjednicama UO JU BNP Zenica.

U dijelu odredbi koje se odnose na izbor člana Upravnog odbora iz reda pozorišnih umjetnika, što je u skladu sa Zakonom o pozorišnoj djelatnosti ZDK potrebno uvrstiti u odredbe Pravila, Upravni odbor JU BNP Zenica jednoglasno usvaja sljedeći postupak izbora:

“Zbor pozorišnih umjetnika tajnim glasanjem na posebnom radnom sastanku predlaže člana Upravnog odbora. Pozorišni umjetnik sa najvećim brojem glasova jeste prvobitni prijedlog o kojem se glasa i na zboru svih radnika pozorišta, a kako bi bio izabran kao prijedlog člana Upravnog odbora iz reda pozorišnih umjetnika kojeg imenuje osnivač, predloženi radnik mora ostvariti najmanje 51% glasova od ukupnog broja svih radnika“

### **5. Utvrđivanje uslova i sadržaja javnog oglasa za zakup poslovnog prostora u JU BNP Zenica – Kabare klub;**

**ZAKLJUČAK:** Uzimajući u obzir specifičan karakter poslovnog prostora koji je predmet najma, bit će sačinjen poseban pravilnik o dugoročnom zakupu prostora Kabare kluba i baletnog studija ARS, a u

skladu sa djelatnosti i vrstom subjekta najma - zakupca. Predmet naknadnog razmatranja Upravnog odbora, kada se radi o zakupu Kabare kluba, bit će iznos mjesečne zakupnine. Jedan od preduslova zakupa jeste i realizacija umjetničkih programa u saradnji sa JU BNP Zenica, te prilagodba ugostiteljske djelatnosti u skladu sa redovnim pozorišnim repertoarom i rasporedom programskog sadržaja, te dostava plana preuređenja enterijera objekta.

Predsjednica UO JU BNP Zenica ističe da bi možda najbolje bilo približiti izgled Kabare kluba onom prvobitnom.

Posebna pitanja predstavljaju: priprema hrane unutar Kabare kluba, osiguranje prohodnosti protivpožarnog ulaza i uvođenje zasebnog električnog brojila.

Objava javnog oglasa te rješavanje drugih pitanja bit će dio dnevnog reda na nekoj od narednih radnih sjednica, po usvajanju prethodno pomenutog pravilnika.

**6. Informacija o dostavljenom Odgovoru resorne službe Grada Zenica (broj: 713/22) i mogućoj sanaciji ravnog krova, shodno upućenoj molbi direktora i Upravnog odbora JU BNP Zenica – izvjestilac: direktor JU BNP Zenica;**

**ZAKLJUČAK:** Upravni odbor JU BNP Zenica prima na znanje sljedeće:

- shodno upućenoj molbi direktora i UO JU BNP Zenica, te nakon sjednice Gradskog vijeća održane 04. 07. 2022. godine, na kojoj je usvojen Izvještaj o radu i poslovanju JU BNP Zenica za 2021. godinu, direktor dostavlja informaciju da je resorna služba Grada Zenica dala pozitivan odgovor u dijelu koji se odnosi na preuzimanje finansiranje izrade projektne dokumentacije koja je nužan preduslov za početak postupka za sanaciju ravnog krova. U tu svrhu zgradu JU BNP Zenica je u mjesecu avgustu posjetilo sedam arhitekata, te se krajem ovog mjeseca očekuje i dostava projektne dokumentacije (predmjer i predračun).
- takođe, prema riječima nadležnih resorne službe, u Nacrtu Budžeta za 2023. godinu, trebala bi biti planirana i stavka sanacije ravnog krova u vrijednosti koja će biti naknadno tačno utvrđena. Trenutna procjena jeste da su potrebna sredstava najmanje u iznosu od 800.000,00-900.000,00 KM za cjelokupnu sanaciju, s time da se može raditi i o faznoj rekonstrukciji i sanaciji.

**7. Informacija o dostavi molbe za saglasnost nadležnim ministarstvima ZDK, radi popunjavanja dva upražnjena radna mjesta – scenograf i rekviziter – izvjestilac: direktor JU BNP Zenica;**

**ZAKLJUČAK:** Na osnovu dostavljene molbe za popunu dva upražnjena radna mjesta *scenograf* i *rekviziter*, do sada su zaprimljene saglasnost Ministarstva za obrazovanje, nauku, kulturu i sport i Ministarstva finansija. Direktor obavještava UO JU BNP Zenica da je planirana objava javnog oglasa za prijem na pet upražnjenih radnih mjesta, tri za koje su već dobivene sve potrebne saglasnosti i dva prethodno pomenuta.

**8. Prijedlog za donošenje Pravilnika o prijemu u radni odnos;**

**ZAKLJUČAK:** Upravni odbor JU BNP Zenica jednoglasno usvaja prijedlog Pravilnika o prijemu u radni odnos.

**9. Razno**

Direktor JU BNP Zenica upoznaje Upravni odbor sa sljedećim informacijama:

**INFORMACIJA 1:** JU BNP Zenica pristupilo je kupovini LCD ekrana/totema koji će se nalaziti na ulazu za publiku, ali po potrebi može biti i izmješten na drugu odgovarajuću lokaciju, te će isti kontinuirano 24/7 prikazivati kreirani sadržaj. Takođe, bit će postavljeni i posebni reklamni baneri, o čijem sadržaju će prethodno biti obaviješten i Upravni odbor. Cilj je unaprijediti digitalni marketing koji je aktuelan u svim oblastima i sve više korišten i u drugim pozorišnim kućama. U tu svrhu sa firmom „Info Media Group“ d.o.o. Banja Luka, zaključen je ugovor o saradnji koji će omogućiti da se

repertoar i programske aktivnosti redovno prikazuju na 15 reklamnih autobusa koji su u pokretu na lokaciji grada.

Takođe, u navedene svrhe planirana je i reorganizacija Službe marketinga i prodaje.

**INFORMACIJA 2:** Tokom prethodnog perioda, u okviru redovnih fundraising aktivnosti, dostavljena je i aplikacija na javni poziv Ministarstva civilnih poslova, gdje je uvrštena mogućnost obnove svjetlosnog parka u vrijednosti od ≈90.000,00 KM.

Takođe, dobijena su sredstva od Fondacije za muzičke, scenske i likovne umjetnosti na ime premijernog projekta „Tri dana“ u iznosu od ≈8.500,00 KM., kao i iznos od ≈16.000,00 od Federalnog ministarstva kulture i sporta na ime organizacije Festivala bh. drame.

**INFORMACIJA 3:** Zahvaljujući aplikaciji na javni poziv Fonda za zaštitu okoliša, ove godine završena je prva faza projekta energetske efikasnosti u zgradi JU BNP Zenica, a to je izrada projektne dokumentacije - audita. Sredstva u iznosu od ≈11.000,00 KM su osigurana kroz odobrenu aplikaciju na poziv Fonda, a dio sredstava osigurao je osnivač-Grad Zenica. Kako bi se ovaj projekat koji zahtjeva više koraka, aplicirano je ponovno na javni poziv Fonda u svrhu izrade glavnog/izvedbenog projekta arhitektonskih mjera u skladu sa detaljnim energijskim auditom za objekat Bosanskog narodnog pozorišta Zenica.

**INFORMACIJA 4:** S obzirom da od 1981. godine nije provedeno anketno istraživanje publike sačinio će se poseban anketni listić na osnovu će isto biti provedeno u narednom periodu.

Takođe, planirana je i sponzorirana objava oglasa na društvenim mrežama sa plaćanjem koje vrši Služba računovodstva u skladu sa važećim propisima i uputama.

**ZAKLJUČAK:** Upravni odbor prima na znanje navedene informacije.

**Napomena:** Članica Aldina A., zbog obaveza, napušta radnu sjednicu Upravnog odbora JU BNP Zenica. Prema sugestiji članice zbog redovnih radnih obaveza, predlaže se održavanja sjednica UO JU BNP Zenica u dane ponedjeljak i srijeda.


**UPIT:** Član Upravnog odbora Adis M. dostavlja upit o rješavanju slobodnih parking mjesta koji se nalaze uz zgradu JU BNP Zenica i koja su namijenjena licima zaposlenim u JU BNP Zenica, a isti redovno koriste i druga lica.

Direktor JU BNP Zenica obavještava da se na dijelu parkinga nalazi i protivpožarni put, čija prohodnost treba biti osigurana. Isto će biti predmet razmatranja na narednim radnim sjednicama.

Sjednica je zaključena u 18.25 h.

**ZAPISNIČARKA**

Selma Tabaković-Jašar



**PREDSJEDNICA UPRAVNOG ODBORA  
JU BNP ZENICA**

Una Selimović

Zapisnik je sačinjen na četiri (4) numerirane stranice.

Zenica, 27. 09. 2022. godine  
Broj: 891/22